

Evening Dogri (NSD) Bulletin 12-10-2024

आकाशवाणी

खास खास खबरां

- 1 प्रधानमंत्री इंटरनशिप योजना पोर्टल पर पंजीकरण प्रक्रिया अज्जै थमां रंभ होई गई।
- 2 रक्षा मंत्री राजनाथ सिंह होरें मुख्य भरै च सीमा सड़क संगठन बीआरओ दी 75 बुनियादी ढांचा प्रोजेक्टें दा उद्घाटन कीता। उनें जुआनें गी कुसै बी हालात कन्नै निबड़ने लेई तैआर रौहने लेई आखेआ।
- 3 राष्ट्रपति द्रौपदी मुर्मू होर त्रऊं देसे अल्जारिया, मॉरिटानिया ते मलावी दे दौरै पर जांगन।
- 4 भारत नै बंगलादेश गी सब्बै अल्पसंख्यकें ते उंदी धार्मिक थाहरें दी सुरक्षा गी जकीनी बनाने लेई आखेआ ऐ।
- 5 मुख्य भरै च दशैहरा अज्ज धार्मिक ते जोश जज्बे कन्नै मनाया जा'रदा ऐ।
- 6 टी-20 क्रिकेट च भारत अज्ज हैदराबाद व त्रीए ते खिताबी मैच च बंगलादेश कन्नै मकाबला खेड़डा करदा ऐ।



PM-Internship

प्रधानमंत्री इंटरनशिप योजना 2024 ताई पंजीकरण प्रक्रिया अज्ज रंभ होई गई। इस ब'रे दे केन्द्री बजट च घोषणा कीती गेदी ऐ पैहले नोजवानें गी कारोबारी माहौल च व्यवहारिक अनुभव हासल करने च मदाद लेई 12 म्हीने दी इंटरनशिप उपलब्ध करोआने दा लक्ष्य रखे दा ऐ। अजें तगर पोर्टल पर 193 कंपनिएं तकरीबन 01 जहार इंटरनशिप दे मौके उपलब्ध करोआने दी घोषणा कीती दी ऐ। सरकारै

दा लक्ष्य इस माली ब'रे च सवा लक्ख इंटरनशिप अवसर प्रदान करदा ऐ। एह मौके ऑनलाइन पोर्टल pminternship.mca.gov.in राएं प्रदान कीते जा'रदे न। इंटरनशिप दरान नोजवानें गी इक ब'रे ताई 5 ज्हार रपे म्हीने दित्ता जाग एहदे इलावा उनेंगी 6000 रपे दी इक मुश्त रकम बी दित्ती जाग। इंटरनशिप दे एह मौके 36 ते केन्द्र शासत प्रदेश दे 737 जिलें च उपलब्ध होंगन। मेदवार अज्जै थमां लेइयै इस म्हीने दी 25 तरीक तगर पोर्टल राएं इंटरनशिप लेई आवेदन करी सकदे न।

<><><><><><>

BRO

सरहदी बुनियादी ढांचे गी उबड़ा चुक्कदे होई रक्षा मंत्री राजनाथ सिंह होरें अज्ज सीमा सड़क संगठन बीआरओ आस्सेआ 2236 करोड़ रपे दी लागत कन्ने तैआर कीती गेदे 75 बुनियादी ढांचा परियोजना दा उद्घाटन करियै राष्ट्र दे नमित लाइयां। इनें परियोजना दा निर्माण अंडेमान-निकोबार द्वीप समूह सनें देसे दे 11 सरहदी राज्यें ते केन्द्र शासत प्रदेशों च कीता गेआ ऐ। वर्चुअल उद्घाटन समारोह च रक्षा मंत्री होरें आखेआ जे 2014 च राष्ट्री जनतांत्रिक गठबंधन सरकार दे सत्ता च औन शा पैहले विकास दी रफ्तार रूकी चुकी दी ही। पूर्वोत्तर ते सरहदी राज्यें गी विकास मौके नेई थमां करदे हे। पर केन्द्र च सरकार दे बदलने परैत पूर्वोत्तर ते साहदी राज्यें गी विकास दी मुखधारा च वापस आंदा गेआ ऐ। इन्ना गै नेई रक्षा क्षेत्र च इनें क्षेत्रे दे महत्वै गी ध्यानै च रखदे होई लोड़चदे विकास गी रफ्तार देने दी पैहल बी कीती गई ऐ। रक्षा मंत्री होरें अज्ज 22 सड़कें, 51 पुलें ते 2 बक्ख-बक्ख परियोजना दा उद्घाटन कीता। इने परियोजनाएं चा 19 दा निर्माण केन्द्र शासत प्रदेश जम्मू कश्मीर च, 11 लद्दाख, 18 अरुणचल प्रदेश, 9 उत्तराखंड, 6 सिक्किम, 5 हिमाचल प्रदेश, च, 2-2 पच्छिम अंगाल ते राजस्थान च ते 1-1 नागालैंड ते मिजोरम च कीता गेआ ऐ।



Rajnath

रक्षा मंत्री राजनाथ सिंह होरें अज्ज आखेआ ऐ जे मजूदा हालात गी दिखदे होई गोआंढी देसे पास्सेआ कुसै चाल्ली दी बी कारवाई थमां इंकार नेई कीता जाई सकदा। इस करियै थेआरबंद बलें गी एह जकीनी बनाना लोडचदा ऐ जे ओ कुसै बी हालात कन्नै निबडने लेई तैआर न। दशैहरे दे मौके पर दिर्जिलिंग दे सुकना कैटोनमेंट च सेना दे जवानें कन्नै शस्त्र पूजा करने परेंम फौजिएं गी संबोधत करदे होई राजनाथ सिंह होरें आखेआ जे जडूं दे उनें रक्षा मंत्रालय दी जिम्मेदारी सांभी ऐ, तदूं थमां उनें सदा गै इस गल्ला पर जोर पाया ऐ जे वैश्विक हालात भाएं कनेह बी नेई होए न, उनें तैआरिएं च कोई कसर बाकी नेई रखना लोडचदी। श्री सिंह होरें आखेआ जे असेंगी कुसै गी हालात ते हर विकल्प तांई सक्रिय तौरा पर तैआर रौहना होग, की जे इयै समें दी मंग ऐ। शस्त्र पूजा परेंत उनें आखेआ जे कुसै बी चीजें दा पूजा करना इस गल्ला दा साफ इशारा ऐ जे लोड पोने पर ओहदा पूरी तगडेयाई कन्नै इस्तेमाल कीता जाग। एह समारोह राष्ट्री सुरक्षा बक्खी सतर्कता ते विकास दा प्रतीक ऐ।



LG BRO

जम्मू कश्मीर दे उपराज्यपाल मनोज सिनहा होरें जम्मू कश्मीर च बीकन ते यंपर्क तैहत 19 सडक ते पुल परियोजना गी लोकें दे नमित लाए जाने पर रक्षा मंत्री राजनाथ सिंह हुंदा धन्नबाद करदे होई आीार प्रगट कीता ऐ। इक सोशल मीडिया पोस्ट च उपराज्यपाल होरें इनें परियोजनाएं गी महत्वै आला दस्सेआ, जिंदा मकसद बुनियादी ढांचे च सुधार करना ऐ, जेहड़ा सेना ते नागरिक प्रशासन दौनें आस्तै रणनीतिक तौरा पर न शडा टकोहदा महत्व रखदे न सगुआं दूर दरेडे इलाकें च लोकें तांई माली जीवन रेखा दे तौरा पर बी कम्म करगंन।



President

राष्ट्रपति द्रौपदी मुर्मू कल थमां 19 अक्टूबर तगर अल्जीरिया, मारिटानिया ते मलावी दी त्रऊं मुखें दी यात्रा पर जांगन। एह भारत दे राष्ट्रपति दी त्रऊं अफ्रीकी मुखें दी पैहली यात्रा होग। एह एतिहासकसात्रा भारत दी अध्यक्षता दरान अफ्रीकी संघ गी जी-20 दी स्थायी सदस्य बनाए जाने दे इक ब'रे मगरा होआ करदी ऐ। अपनी हफते दी यात्रा दरान राष्ट्रपति मुर्मू दपक्खिया बैठकां करगंन ते प्रवासी भारतीय कन्ने गल्लबात करगंन। दौरे दे पैहले गेड़ च राष्ट्रपति कल थमां 15 अक्टूबर तगर अल्जीरिया दा दौरा करगंन ते इस दोरे दरान राष्ट्रपति अपने हमरूतबा अब्देल मजीपू टेबून हुंदे नै दपक्खिया बैठकां करगंन। राष्ट्रपति भारत अल्जीरिया आर्थिक मंच गी बी संबोधतउकरगंन। राष्ट्रपति होर 16 अक्टूबर गी मारिटानिया दा दौरा लांगन। एह दौरा उस महत्वै आले समें च होआ'रदा ऐ जिसलै मारीटानिया अफ्रीका संघ दी अध्यक्षता करा'रदा ऐ। राष्ट्रपति होर इस दरान मारिटानिया दे राष्ट्रपति मोहम्मद ओल्टओल्ड चेख इल गजोआनी हुंदे नै दनक्खिया बैठकां करगंन। दौरे दे खीरी गेड़ च राष्ट्रपति मुर्मू होर 17 अक्टूबर थमां 19 अक्टूबर तगर मलावी दे दोरे पर रौंहगन। इस दौरे दरान राष्ट्रपति होर मलावी दी अगुवाई कन्नै दपक्खियां बैठकां करगंन ते मुख बपार ते उद्योग सरबंधी लीडरें ते भारतीय प्रवासिएं कन्नै गल्लबात करगंन। त्रौनें मुखें दे दौरे दा मकसद दे अफ्राकस दे मुखें कन्नै भारत दे रिश्ते गी होर मता मजबूत करगंन।



India Bangladesh

भारत नै बंग्लादेश सरकार थमां सब्बै अल्पसंख्यकें ते टकोहदा करियै ध्यार दरान उंदे पूजा-अर्चना आली थाहरें दी राखी हिफाजत ते सुरक्षा गी जकीनी बनाने दा

आह्वान कीता ऐ। इक वक्तव्य च पिदेश मंत्रालय नै ढाका दे तांती बजार दे पूजा मंडप पर होए दे हमले ते संतखीरा दे जशोरेश्वरी काली मंदरे च होई दी चोरी गी लेइयै डूहंगी चैता प्रगट कीती ऐ। मंत्रालय नै आखेआ ऐ जे एह हमले मंदे भागें आली गल्ल ऐ। मंदरे पर हमला करने आले मंदरे गी अपवित्र करने ते प्रतिमाएं गी नुक्सान पजाने दा इक व्यवस्थित तौर तरीका इस्तेमाल करदे न। भारत इनें घटनाएं दी केई दिनें थमां साक्षी रेआ ऐ।

<><><><><><>

US

अमरीका नै इजराइल पर मिसाइल हमले गी दिक्खदे होई ईरान दे ऊर्जा बपार पर बंदशें दी घोषणा कीती ऐ। अमरीका दे विदेश मंत्री ब्लिंकन होरें आखेआ जे अमरीका ईरान दे परमाणु कार्यक्रम गी माली पोषण करने अपाले पैसे दे प्रवाह गी रोकने लेई गैह पुट्टा'रदा ऐ। अमरीका दे खजाना ते विदेश विभाग नै कल इनें पाबंदिएं दी घोषणा कीती। इजराइल च बधदी तनोतनी दे चलदे ईरान दे खलाफ जवाबी सैन्य कारवाई पर सोच बचार करा'रदा ऐ। अमरीका नै आखेआ ऐ जे ईरानी पेट्रोलियम ते पेट्रो केमिकल उत्पादें दे परिवहन च शामिल होने लेई 10 संस्थाएं पर पाबंदी ला'रदा ऐ। अमरीका दे सुरक्षा सलाहकार जे'क सुलिवन होरें आखेआ ऐ जे एह उपाह ईरान दे मिसाइल कार्यक्रमें दा सैहयोग करने आले माली संस्थानें थमां वंचित करने च मदाद करोग। प्रतिबंध कन्ने अमरीका च ईरानी संस्थानें दी सम्पत्ति जब्त होई जाग।

<><><><><><>

PM Gujrat

प्रधानमंत्री नरेन्द्र मोदी होरें गुजरात दे महसाना च इक कार दे ढेई पैसे करी जान मुआने दी घटना पर बसोस बुज्जेआ ऐ। इक सोशल मीडिया पोस्ट च मोदी होरें आखेआ जे राज्स सरकार दी निगरानी हेठ मकामी प्रशासन पीड़ितें गी हर

मुमकन मदाद देआ'रदी ऐ। मोदी होरें घोषणा कीती जे प्रधानमंत्री राश्ट्रीस राहत कोष थमां मारे गेदे लोकें दे सगे सरबंधिणं गी 2-2 लक्ख रपे राहत राशि दित्ती जाग। इस्सै चाल्ली घटना च जख्मी लोकें गी 50-50 जहार रपे दित्ते जांगन।

<><><><><><>

Dussehra

देश दे हर इक हिस्से च विजयदशमी यानि दशैहरे दा ध्यार बड़ी धूम धाम कन्नै मनाया जा'रदा ऐ। एह ध्यार असंगी बुराई पर अच्छाई दी जितत, भगवान राम जी दी रावन पर जित्त दा चेता दोआंदा ऐ। इस दिन नरातें ते दुर्गा पूजा दा बी समापन होंदा ऐ। राष्ट्रपति द्रौपदी मुर्मू, उपराष्ट्रपति तगदीप धनखड़ ते प्रधानमंत्री नरेन्द्र मोदी होरें देशवासिणं गी दशैहरे दी शुभकामना दित्तियां न। जम्मू कश्मीर दे उपराज्यपाल मनोज सिन्हा होरें बी इस ध्यार दी मुबारकां दित्तियां न। देश दे बक्ख-बक्ख हिस्सें च लोकरावन दा पुतला फुक्कियै बुराई दी महेशां अंत गै होंदा ऐ, दे सनेह दा प्रचार करदे न।

<><><><><><>

Day Vijaydashmi

आर.एस.एस प्रमुख डॉ. मोहन भागवत होरें महिलाएं खलाफ अतयाचार गी उजागर करदे होई आखेआ ते आर.जी.कर अस्पताल कालेकातपा च होए दे शर्मनाक हादसा, अपराध ते राजनीति बश्कार गुटबंधी दा नतीजा ऐ। डॉ. भागवत होरें नागपुर च विजयदशमी दे मौके आयोजित मुख्य कार्यक्रम गी संबोधत करदे होई कार्यक्रम राष्ट्र स्वयंसेवकें संघ दे 99में स्थापन दिवस पर आयोजित कीता गेआ। उनें आखेआ जे शिक्षा संसीनें च सांस्कृतिक मूल्यें गी लेइयै बच्चें गी सिखना चरहिदा। उनें आखेआ ते किश ओटीआई प्लेटफार्म पर एतराज जोग चीजें दा प्रचार संस्कृति दे खलाफ न ते इसी कनूनी तरीके रोकने दी जरूरत ऐ। गोआंढी मुख्य बंगलादेश च हाल दी स्थिति दे बारे च बोलदे होई डॉ. भागवत होरें आखेआ जे टकोहदी विचारधारा दे कारण गै

बंगलादेश च असुरक्षा दा माहौल ना सिर्फ हिंदुएं, सगुआं अल्पसंख्यकें आस्तै बनेया। आरएसएस दी स्थापना पैहल सारसंघ चालक डॉ. केशव बलराम हेडबेवर होरें 1925 च नागपुर च दशैहरे दे पावन ध्याड़ा कीती ही। संघ अपने 100 ब'रे अगले ब'रे पूरे करोग।

<><><><><><>

Cricket

भारत ते बंगलादेश बशकार खेड्डी ला'रदी त्रै टी-20 अंतराश्ट्रीय क्रिकेट मैचें दी श्रृंखला दा त्रीया ते खीरी मैच अज्ज हैदराबाद च खेड्डेआ जा'रदा ऐ। भारत नै पैहले बल्लेबाजी फेसला करदे होई खीरी खबरां थोने तगर 5 ओवरें च 63 रंज बनाई लेते दे न। उआं पैहले दवै मैच जित्तिथै भारत श्रृंखला पैहले गै अपने नां करी चुके दा ऐ पर फही बी 3-0 दी जित्त दर्ज करने लेई ओ अज्जै दा मैच बी जित्तने लेई पूरी कोश्ट करोग। ग्वालियर च खेड्डेआ गेदा पैहला मैच भारत नै 7एं विकटें कन्नै जित्तेआ हा। जिसलै जे दिल्ली च खेड्डे गेदे दुए मैच च भारत नै महमान टीम गी 86 रंजें कन्नै शिकस्त दित्ती ही।

<><><><><><>

Asian Table Tennis

एशियाई टेबल टेनिस चैंपियनशिप च एहीका मुखर्जी ते सुनिर्था मुखर्जी नै अज्ज महिलाएं दे अस्ताना कजाकिस्तान च होआ'रदे डबल्स सैमीफाइनल च अपनी थाहर पक्की कीती। इनें दक्खन कोरिया दी किम नायेओग ते ली इन्हे गी क्वाटर फाइनल च 3-1 कन्नै मात दित्ती। एहिका सुतिर्था दी त?जोड़ी दा मकाबला जापान दी मिवा हरिमोती ते मीयु किहारा कन्नै कज सैमीफाइनल च होग।

<><><><><><>